



## Universitätsbibliothek Paderborn

**D. Bernardi Primi Clarævallensis Abbatis, Ordinis  
Cisterciensium Antesignani, melliflui Ecclesiæ Doctoris  
Sermones In Dominicas & Festa per annum**

**Bernardus <Claraevallensis>**

XXXVIII. In illud Apost. Diligentibus Deum omnia cooperantur in bonum.

**urn:nbn:de:hbz:466:1-39254**

Dominum : quærerit Dominum & confirmamini : quæreris faciem eius semper ? Et quod alius quidem dicit <sup>1</sup> : Si quæratis, quærite . Quid est si quæritis, quærite ? In simplicitate cordis quærite illum <sup>2</sup> . Non aliud tanquam illum, non aliud præter illum, non aliud post illum. In simplicitate cordis quærite illum. Simplex natura, simplicitatem cordis exquirit. Denique & cum simplicibus sermocinatio eius. Vir duplex animo, inconstans est in omnibus vijs suis <sup>3</sup> . Non potest quem quæreris inveniri ab his qui ad tempus credunt, & in tempore temptationis recedunt. Aeternitas est : quæ nisi perseveranter quæsita, minimè invenitur. Væ etiam peccatori terram ingredienti duabus vijs. <sup>4</sup> Nemo enim duobus dominis servire potest <sup>5</sup> . Ne hanc quidem duplicitatem amat integritas illa, perfectio illa, illa plenitudo. Indignum enim est ei, ut inveniendam se præbeat, nisi perfecto eam quæsieris corde. Ceterum si odibilis est canis reuersus ad suum vomitum <sup>6</sup> , & sus lota in volutabro luti, sed & ipsum quoque quem invenerit tepidum <sup>7</sup> , ex ore suo evomere incipit Deus : simulator & proditor ubi parebunt ? Si maledictus qui facit opus Dei negligenter <sup>8</sup> , qui fraudulentem fecerit, quid meretur ? Fugiamus hanc duplicitatem, charissimi, & à fermento Pharisæorum omnimodis caveamus. Veritas est Deus, & tales quæsidores requirit, qui quærunt eum in spiritu & veritate. Si nolumus frustra quærere Dominum, quæramus veraciter, quæramus frequenter, quæramus perseveranter : ut nec pro illo quæramus aliud, nec cum illo aliud, sed nec ab illo ad aliud convertamur. Facilius est enim cœlum & terram transfire, quam ut sic quærens non inveniat, sic petens non accipiat sic pulsanti non aperiatur.

<sup>1</sup> Isa. 12. c.  
<sup>2</sup> Sap. 1. a \*

<sup>3</sup> Jacob 1. b.

<sup>4</sup> Eccli. 2. c.  
<sup>5</sup> Luc. 18. c.

<sup>6</sup> 2. Pet. 2. d.  
<sup>7</sup> Apoc. 3. b

Quomodo quærendus Deus ut inveniatur.

### S E R M O     XXXVIII.

In illud Apost. *Diligentibus Deum omnia cooperantur  
in bonum. Rom. 8.*

**P**AUPERES quidem videmur & sumus : sed si spiritum qui ex Deo est accipiamus, ut sciamus quæ à Deo donata sunt nobis ; magna ab eo gloria, magna nobis est collata potestas. Quotquot, inquit, <sup>1</sup>, receperunt eum, dedit <sup>2</sup> Ioan. 1. b. eis potestatem filios Dei fieri. An non potestas filiorum Dei est ista, quando etiam nobis serviant universa ? Sciebat enim Apostolus ipse, quoniam diligentibus Deum omnia cooperantur in bonum <sup>3</sup>. Sed forte dicat aliquis verbum, quid hoc ad me ? & in pufilatimitate cordis sui talia meditetur ; Gloriantur certè de potestate filiorum Dei, in quibus filialis erga eum fert amar, viget affectus ; ut præsumant omnia sibi cooperari in bonum, qui Deum diligunt in veritate. Ego verò mendicus sum & pauper, carens affectu filiali, expers dignæ devotionis. Sed attende quod sequitur. Nullum enim desperationi locū reliquit in scriptura sua, qui alio loco sic loquitur <sup>4</sup>.

<sup>3</sup> Rom. 8. c.

Pppp 3

12

Rom. 15. a

*Ut per patientiam & consolationem scripturarum spem habeamus. Affectus enim ille quem queris, pax est, non patientia: in patria est, non in via: nec eos qui eiusmodi sunt, à scriptura opus est consolari.*

Ergo per patientiam & consolationem scripturarum spem habemus, etiam si nondum possumus apprehendere pacem. Propterea cum dixisset diligentibus Deum omnia cooperari in bonum, solerter addidit, his qui secundum propositum vocati sunt sancti d. In quo verbo non te terreat sanctitatis nomen, quando non secundum meritum, sed secundum propositum; non secundum affectionem, sed secundum intentionem sanctos vocat juxta illud Prophetæ c: *Custodi animam meam, quoniam sanctus sum.* Illam enim quam putas sanctitatem ne ipse quidem Paulus corruptibili adhuc gravatus corpore arbitrabatur se comprehendisse. *Vnum autem, inquit s, quæ retro sunt oblitus, & in ea quæ ante sunt me extendens, sequor ad palmam supernæ vocationis.* Vides quia licet nondum apprehendisset bravium, habebat tamen propositum sanctitatis. Et tu ergo si proposueris in corde tuo declinare à malo, & facere quod bonum est, tenere quod acceperisti, & proficere semper in melius, sed & si quid aliquando minus recte egeris (ut est humana fragilitas) non in eo persistere, sed pœnitere & corrigerem quantum prævales; eris sine dubio sanctus & tu, sed cui interim clamare necesse sit: *Custodi animam meam, quoniam sanctus sum.*

Vis ergo nosse quemadmodum huiusmodi sanctis omnia cooperantur in bonum? Non modo curro per singula, quia in longum protracta sermonem hora non patitur. Eundum nobis est, iam enim campanam audiimus, iam vespertina tempus orationis advenit. Audite ergo verbum abbreviatum, quemadmodum nobis universa serviant, omnia cooperentur in bonum. Inimici nostri sint judices. Etenim si quidem illi pro nobis, quis contra nos? Si pro nobis faciunt hostes nostri, quomodo non omnia simul cum illis.

Porro duo nobis (ut manifestum est) adversantur hostium genera, malum videlicet duplex, quod facimus & quod patimur. Hæc autem, ut aperi-  
tius dixerim, sunt culpa & pœna. Itaque cum sit nobis utraque contraria, erit si voluerim⁹ utraque pro nobis, ut hæc quidem ab illa liberet, & item adversus istam juvet illa, nec parum. Ecce enim compungim⁹ in cordibus nostris & in cubili conscientiæ super delictis præteritis, sed delinit conscientiam, & corrodentium peccatorum dentes conterens reducit ad spem veniæ pœnitentia ista & voluntaria pœna quam patimur. Non solum au-  
tem præterita, sed & futura repellit. Nam & tentantia propulsat vitia, & nonnulla sic perimit, ut raro aut nunquam erigere caput audeant uenena-  
tum. Sic pœna facit pro nobis adversus culpam, ut vel omnino non sit vel  
sit minor. Culpa vero nihilominus agit, ut aut non sit, aut minor sit pœna.

Non

d Rom. 8.c.\*  
Quomodo dicamur sancti.

e Psal. 85. a\*

f Philip. 3. c

Quis dici meratur sanctus  
in hac vita.

Duo hostium  
genera nobis  
adversa.

Quomodo &  
culpa & pœna  
nobis cooperetur  
in bonum.

Non quidem ut omnino non sit, sive à quantitate sua minoretur, quod nullatenus expediret: sed ut non sit pœna, aut minor sit pœna, videlicet ut aut non sit, aut minus sit onerosa. Quisquis enim perfectè senserit onus peccati, & animæ læsionem, exteriorem utique aut parum sentiet, aut ex toto non sentiet corporis pœnam, nec reputabit laborem, quo peccata noverit deletri præterita, futura caveri. Sic enim sanctus David convitantis servi non reputavit injurias, memor filij persequentis,

*Sensas culpa  
tollit aut mi-  
nuit sensum  
pœnae.  
g 2. Reg. 16. b.*

## SERMO XXXIX.

*De laboribus vita religiosa aquanimititer ferendis \**

Abor iste, Fratres, exilij & paupertatis nostræ, nos admonet profecto & iniquitatis. Ut quid enim morte afficimur tota die, in ieunijs multis, in vigilijs abundantius, in laboribus & ærumnis? Nunquid ad hæc creati sumus? Absit. Nam licet homo natus sit ad laborem, sed minime ad laborem creatus est, nativitas est in culpa, idèò & in pœna. Omnes enim oportet nos gemere cum Propheta <sup>a</sup>: *In iniquitatibus conceptus sum, & in peccatis concepit me mater mea.* Aliena ab utrisque prima creatio, quia sicut nec culpam, ita nec pœnā Deus fecit. Quod de ea quæ major est omnium, morte videlicet aperte Scriptura testatur <sup>b</sup>. *In iridia diaboli mors introivit in orbem terrarum.* Et in alio loco. *Dens mortem non fecit.* Itaque sicut laborantibus manibus nec oculus propterea clauditur, nec auris abstinet ab auditu: sic, imò & multò melius laborante corpore mens quoque ipsa suo intenta sit operi ut non vacet. Causam laboris cogitet in labore, ut ipsa ei pœna quam patitur, culpam pro qua patitur, repræsentet. Et dum videt vulnerum ligaturam ipsa sub pañis vulnera meditetur. Huiusmodi siquidem cogitatione humiliamur sub potenti manu Dei, & dulci quadam pietate mens plena, miserabilem se exhibet in oculis eius. Hinc quippe Scriptura nos admonet: *Miserere, inquit, & animæ tuæ placens Deo.* Nec dubium quin ea quæ Deo placet miseria, facile possit eius misericordiam obtinere. Et ne dixerimus, vnde miserendum sit animabus nostris? Nisi enim insipienter dissimulaverimus, multa in eis miseratione digna poterunt inveniri.

Unum tamen dico, ut occasionem vobis dedisse videar, & cætera quoque similiter advertatis. Nonne velut inter duas mensas positi epulantes hinc inde spectamus iejni? Sic sumus omnino, sic sumus. Vnde ergo sic positis risus, unde jocus, unde levitas, unde superbia, unde extollentia oculorum. An fortè non agnoscimus mensas, non consideramus epulas, delicias nō videmus? Hinc mihi sunt quos video deliciose viventes in omnibus bonis sensibilis huius mundi: inde contemplor alios quibus disposuit Christus regnum: ut edant & bibant super mensam eius in regno Patris sui <sup>c</sup>. Vtrobique video similes mei homines, fratres meos, & heu me

\* *Alias, de duabus men- sis.*

*Homo natus,  
sed non creatus  
ad laborem.*

<sup>a</sup> Psal. 50. a

<sup>b</sup> Sap. 2. d  
Ibidem.

<sup>c</sup> Eccli. 30. d \*

*Religiosi velut  
inter duas men-  
sas, mundano-  
rum & cele-  
tum positi.*

<sup>d</sup> Luc. 22. d